

緇門警訓卷第六

陟六

長蘆慈尊見贊禪師龜鏡文

夫兩桂垂陰一華現瑞自爾叢林之設要之  
本<sup>卷</sup>僧是以開示衆僧故有長老表儀衆  
僧故有首座荷負衆僧故有監院調和衆僧

陟六

一

故有維那供養衆僧故有典座爲衆僧作務  
故有直歲爲衆僧出納故有庫頭爲衆僧主  
典翰墨故有書狀爲衆僧守護正教故有藏  
主爲衆僧迎待禮越故有知客爲衆僧請召  
故有侍者爲衆僧看守衣鉢故有寮主爲衆

僧供侍湯藥故有堂主爲衆僧洗濯故有浴  
主水頭爲衆僧禦寒故有炭頭爐頭爲衆僧  
乞丐故有街坊化主爲衆僧執勞故有園頭  
磨頭莊主爲衆僧滌除故有淨頭爲衆僧給  
侍故有淨人所以行道之緣十分備足資身

之具百色現成萬事無憂一心爲道世間尊  
貴物外優閑清淨無爲衆僧爲家回念多人  
之力寧不知恩報恩晨參莫請不捨寸陰所  
以報長老也尊卑有序舉止安詳所以報首  
座也外遵法令內守規繩所以報監院也六

和共聚水乳相參所以報維那也爲成道故  
方受此食所以報典座也安處僧房護惜什  
物所以報直歲也常住之物一毫無犯所以  
報庫頭也手不把筆如救頭然所以報書狀  
也明窓淨案古教照心所以報藏主也韜光

也忖已德行全闢應供所以報衛坊化主也  
計功多少量彼來處所以報園頭磨頭莊主  
也酌水運籌知慙識愧所以報淨頭也寬而  
易從簡而易事所以報淨人也所以叢林之  
下道業惟新上上之機一生取辦中流之士

陝六

晦迹不事追陪所以報知客也居必有常請  
必先到所以報侍者也一瓶一鉢處衆如山  
所以報寮主也寧心病苦粥藥隨宜所以報  
堂主也輕徐靜默不昧水因所以報浴主水  
頭也緘言拱手退已讓人所以報炭頭爐頭

長養聖胎至如未悟心源時中亦不虛棄是  
真僧寶爲世福因近爲末法之津梁畢竟二  
嚴之極果若或叢林不治法輪不轉非長老  
所以爲衆也三業不調四儀不肅非首座所  
以率衆也容衆之量不寬愛衆之心不厚非

監院所以護衆也修行者不安敗群者不去  
非維那所以悅衆也六味不精三德不給非  
典座所以奉衆也寮舍不修什物不備非直  
威所以安衆也畜積常住減耗衆僧非庫頭  
所以贍衆也書狀不工文字滅梨非書狀所

以飾衆也几案不嚴喧煩不息非歲主所以  
待衆也憎貧愛富重俗輕僧非知客所以督  
衆也禮貌不恭尊卑失序非侍者所以命衆  
也打盤不勤守護不謹非寮主所以居衆也  
不閑供侍惱亂病人非堂主所以恤衆也湯

水不足寒暖失儀非浴主水頭所以浣衆也  
預備不前衆人動念非爐頭炭頭所以向衆  
也臨財不公宣力不盡非街坊化主所以供  
衆也地有遺利人無全功非園頭磨頭莊主  
所以代衆也懶惰併除諸緣不具非淨頭所

步六

三

以事衆也禁之不止命之不行非淨人所以  
順衆也如其衆僧輕師慢法取性隨緣非所  
以報長老也坐卧參差去就乖角非所以報  
首座也意輕王法不顧叢林非所以報監院  
也上下不和鬭諍堅回非所以報維那也貪

婪羨膳毀營粗食非所以報典座也居處受用不思後人非所以報直歲也多貪利養不惜常住非所以報庫頭也事持筆硯馳騁文章非所以報書狀也慢易金文看尋外典非所以報藏主也追陪俗士交結貴人非所以

報知客也遺忘召請久坐衆僧非所以報侍者也以已妨人憮藏誨盜非所以報寮主也多嗔少喜不順病緣非所以報堂主也桶杓作聲用水無節非所以報浴主水頭也身利溫煖有妨衆人非所以報爐頭炭頭也不念

修行安然受供非所以報街坊<sub>主化</sub>也施食終日無所用心非所以報園頭磨頭莊主也涕唾牆壁狼籍東司非所以報淨頭也專尚威嚴宿無善教非所以報淨人也蓋以旋風干匝尚有不周但知捨短從長共辦出家之事

所與師子窟中盡成師子栴檀林下純是栴檀今斯後五百年再覩靈山一會然則法門興廢係在僧徒僧是畝田所應奉重僧重則法重僧輕則法輕內護既嚴外護必謹設使粥飯主人一期王化叢林執事偶爾營權常

宜敬仰同袍不得妄自尊大若也貢高我慢  
私事公酬萬事無常豈能長保一朝歸衆何  
面相看因果無差恐難回避僧爲佛子應供  
無殊天上人間咸所恭敬二時粥飯理合精  
豐四事供須無令缺少世尊二千年遺蔭蓋

序六

四

覆兒孫白毫光一分功德受用不盡但知奉  
衆不可憂貧僧無凡聖通會十方既曰招提  
悉皆有分豈可妄生分別輕厭客僧旦過察  
三朝權住盡禮供承僧堂前暫爾求齋等心  
供養俗客尚猶照管僧家忍不逢迎若無有

限之心自有無窮之福僧門和合上下同心  
互有短長遠相益覆家中醜惡莫使外聞雖  
然於事無傷畢竟減人贍仰如師子身中蟲  
自食師子肉非外道天魔所能壞也若欲道  
風不墜佛日常明壯祖域之光輝補

皇朝之聖化願以斯文爲龜鏡焉

慈受禪師示衆箴規

尊無量本  
大同小異

陞堂念誦諷經小參但是衆集宜須先赴遊  
方上士規矩隨身豈可乖慵遭人檢點一回  
可恕三犯何顏不思百丈真風便見投子道

底靜牌繩掛宜各默然縱不掛時豈可談笑  
古佛垂訓守口如瓶二六時中常宜緘默三  
業不戒萬禍潛生善諳魯祖風便口掛壁上  
自己案前常令潔淨只安香匣禪策經文貴  
圖齊整不得安世俗文字藥裹香爐種種所

陸文

五

須宜收案下出聲持韻絮叨稠人背靠扳頭  
輕欺大眾虛占案分掛物明窓不合律儀叢  
林安許端身正意默爾披尋諦味聖言契合  
心地不虛開卷始會看經平時隣案道人切  
忌交頭接耳賓客相看禮不可免茶湯纔罷

叙誦已周相引出察不可久坐若是舊時道  
伴遠地親情相邀林下水邊方可傾心談論  
至於交關買賣引惹雜人盡非衲子所爲便  
可一筆勾下辦後歸寮同伸問訊上中下座  
恭敬爲先苟或不然輕人慢已放參開籠須

白知察出入掀簾要垂後手登床宴坐不可  
垂衣舉動經行更宜緩步使人動念魔障易  
生衆口燦金自家何樂洗衣把針宜于齋后  
不急之務道業荒唐不可將湯瓶泡衣洗面  
卓上裁紙糊卓偷煮點心包藏藥石竹竿要

知觸淨變斗須看閑忙孰在一隅恐妨衆用  
古聖補破遮寒縫了便休豈可朝昏事倚針  
線煎點茶湯叢林盛禮大衆雲集方可跏趺  
盞橐收歸衆人齊退私藏茶末取笑傍觀隻  
手揖人是何法度有故不赴須白知寮小坐

茶湯輒不可免新到入寮宜懷謙下未諳法  
度請問耆年隨方毗尼在人建立安籠占案  
不必着忙欵細之間自然穩便入寮煎點本  
爲衆人意在志誠茶須通喫使了家事舊處  
安排瀉却湯瓶即時添注山行水次戒護開

談張口如弓疾言如箭雌黃之事品藻他人  
說食說錢呵風罵雨墻壁有耳法今無親忽  
然虎口遭傷始見鋒頭太露凡遇茶毗陰晴  
齊赴各懷悽愴同運悲心恐彼前人虛生浪  
死口持經呴肩負紫薪豈可猖狂恣聲談笑  
六

衣盂估唱本爲破堅後人不知返成貪愛偷  
量長短暗窺舊新賤唱貴分過如常賣不知  
反責猶說便宜識者傍觀面慚汗下若是海  
門上士禪院高賓但爲死者結緣莫被活人  
嗤笑柔和善順上下可觀我慢貢高諸聖不

祐八萬細行三千威儀二六時中頭頭可見  
穿堂直過豈不厚顏尊嚴間行恐招薄福杖  
木登殿草履遊山莫踐法堂回互著宿五更  
洗面本爲修行吐唾施盆喧聒大眾暗中動  
念自昧不知日往月來面黃身瘦浴湯少使

籌子休拈作福雖多不如避罪廊舍吐唾案  
上抓頭違背聖賢自從已便時時檢點步恭  
隄防直須小却身心便好大着腸肚十日知  
察遙相供養晚眠早起務在精誠苦切勞心  
先人後己大衆衣鉢切要關防一事不周衆

人動念煎茶掃地換水裝香莫教冷却湯瓶  
免見禪和煩惱寮中首座務要柔和規矩先  
行繩墨自定依時上案簡徑開談有一不周  
衆人共議遊山覩水出入有時惡性道人善  
言誘勸倘不聽從密白方丈護善遮惡取信  
曉六

七

檀旃淨髮圓爐禮宜謙讓右件規矩委曲預  
聞日用時中各宜照顧一撥便轉善不可加  
三喚不回相聚何益況乃心塵難掃性水易  
湍中器中根可上可下克賓法戰不勝曾罰  
饋飯一堂文遠勝劣爭禪輸却糊餅兩個叢

林榜樣後學依從焦山不說兩般禪只要罰

油十六兩頌曰

烏龜忽爾艾燒頭千古令人嘆不休奉勸後  
生高着眼莫教罰了一斤油

笑翁和尚家訓

日亦然子夜亦然睡時宜後起宜先收單褶  
被候開靜動止回旋向左肩  
晨朝粥餵莫猖狂盥漱低頭少使湯頭若痒  
時須待浴手巾乾淨不相妨  
寢靜身心展鉢時出宜先筋入先匙食巾收

摺須臨後左右和南禮莫虧

粥了和南飯後茶放參藥石莫誼譁出堂入  
戶清規令猶見叢林有作家

座元門首板丁當是甚禪和敢入堂追罰百  
錢由自可高懸一榜最難當

入室陞堂念誦時從規合自具威儀近來一  
等無羞耻直裰中間小袖兒  
脫着衣鞋要整齊掩門宜緩放籌低密持兜  
語輕禪指淨桶常將右手提  
入浴披衫貴靜恭需湯擊板合從容不應觸

布安槽上雙脚如何着桶中

禮拜持經遣睡魔不須將此當喫囉一朝突  
出娘生眼執藥方知病轉多

頂笠腰包號水雲尋師切勿憚辛勤法門冷  
淡須防護莫學尋常救火軍

附六

八

黃龍死心新禪師小參

夫小參者謂之家教何謂家教譬如人家有  
三箇五箇兒子大底今日幹甚事小底今日  
幹甚事是與不是晚間歸來父母一一處斷  
叢林中亦復如是院門今日幹甚事是與不

是住持人當一一處斷觀今之時節叢林淡  
薄人根狹劣不可說也有一般破落戶長老  
馳書達信遮邊討院住那邊討院住便揀箇  
好日入院又道我是長老方丈裏自在受快  
活遮般底喚作地獄滓如今叢林中若論參

禪固是難得其人我看見你遮一隊漢在遮  
裏心憤憤口悱悱道我會禪會道入方丈裏  
趁口快擰兩轉語便行不是遮箇道理又有  
一般漢影影響響認得箇須空便道只是遮  
箇事又有一般道見虛空裏光影又有一般

道無有不是者錯了也救不得了也遮般底  
只宜色身安樂莫教一頓病打在延壽堂內  
如落湯螃蟹手忙腳亂見神見鬼遮邊討巫  
師那邊討鑒博卜凶卜吉問好問惡你不見  
我佛如來爲三界鑒王四生慈父鑒一切衆

陝大

九

生心病只爲你不信自心向外馳求被邪魔  
魍魎入你心中做得許多見解要識你自心  
麼如太陽當晝天下皆明那裏更有暗處若  
到遮箇田地亦無吉凶爻象亦無是非好惡  
便能向是非頭上坐是非頭上卧乃至嫖坊

酒肆虎穴魔宮盡是當人安身立命之處只  
爲你無量劫來業識濃厚心中趨趨欹欹縉  
縉縉信之不及便被世間情愛纏綿得來  
七顛八倒江南人護江南人廣南人護廣南  
人淮南人護淮南人向北人護向北人湖南

人護湖南人福建人護福建人川僧護川僧  
浙僧護浙僧道我鄉人住院我去讚佐他一  
朝有箇不周全翻作是非到處說苦哉苦哉  
恁麼行脚掩彩殺人鉢置殺人若是箇漢一  
畫畫斷多少自由自在若也畫不斷處處被

愛之所縛愛色被色縛愛院被院縛愛名被  
縛愛利被利縛愛身被身縛你何不退步思  
量你遮臭皮袋有甚麼好處當時只爲你有  
一念愛心便入母胎中受父精母血交構成  
一塊膿團母喫熱時便受鍑湯地獄母喫冷

時便受寒冰地獄及至撞從母胎裏出來受  
寒受熱受饑受飽受病受苦煎熬逼直至  
今日只爲不能返觀便有許多是非生滅我  
生你死你死我生生生死死死生生隨業  
受報無有休時近來又有一般奴狗受雇得

錢買度牒剃下狗頭披佛袈裟奴郎不辨菽  
麥不分入吾法中破壞吾法一向裝裝不渾  
身矮腰捺膀胡揮亂鑿要做大漢大漢不恁  
麼做要做大漢須是退步莫面前背後奴脣  
婢舌嫌好道惡說遮裏飲食豐厚那裏寮舍

陟六

十

穩便不消得如此諸上座人身難得佛法難  
聞此身不向今生度更向何生度此身你諸  
人要參禪麼須是放下着放下箇甚麼放下  
箇四大五蘊放下無量劫來許多業識向自  
已根脚下推窮看是甚麼道理推來推去忽

然心華發明照十方刹可謂得之於心應之  
於手便能變大地作黃金攬長河爲酥酪  
不暢快平生莫只管冊子上念言念語討禪  
討道禪道不在冊子上縱饒念得一大藏教  
諸子百家也只是閒言語臨死之時總用不

着古人悞了方求明師決擇去其砂石純一  
具寔秤斤定兩恰如人開雜貨鋪相似無種  
不有來買甘草便將甘草與他來買黃連便  
將黃連與他不可買黃連却將甘草與他又  
似你有一塊金將入紅爐裏煅煉來煉去

煉得熟也方上鉗鉗打作瓶盤釤釧瓶重幾  
兩盤重幾兩一一分明然後却將此瓶盤釤  
釤鎔成一金喚作一味平等法門若不如此  
盡是罷洞真如顛頽佛性你還會麼你還信  
麼山僧適采荅遮僧四轉語道死中有活活

陞六

十一

中有死死中怕死活中怕活將此四轉語驗  
盡天下衲僧且道天下衲僧將甚麼驗良久  
云大體還他肌骨好不搽紅粉也風流語錄

楊傑作

法界本無衆生衆生緣乎妄見如來本無言教  
言教爲乎有情妄見者衆生之病言教者如  
來之藥以藥治病則病無不治以言覺妄則  
妄無不覺此如來不得已而言賢智不得已  
而述也故阿難陀集而爲經優彼離結而爲

教者理悟變通見其輪者心不退轉然後優  
游性海解脫意筌無一物不轉法輪無一塵  
不歸華藏非有深智者其孰能與於此哉

慈照聰禪師住襄州石門請查待制  
爲撰僧堂記

律諸菩薩衍而爲論經律論雖分乎三藏戒  
定慧蓋本乎一心藏以示其函容心不可以  
凝滯是以雙林大士接物隨機因權表寔聚  
言教而爲藏載寶藏而爲輪以教依輪則教  
流而無礙以輪顯教則輪運而無窮使披其

乾明寺者去郡百里古曰石門因勑易之高  
山峻谷虎豹所伏岐路磅礴人烟夐絕非志  
於道者固能棲其心也遊宦之徒羈束利名  
雖觀其勝絕而罕能陟其境道守郡日知有  
學者法字守榮自雍熙王年參尋而至後安

禪之堂卑隘隙壞於是發心重構克堅其志  
衆落求化多歷年所召良工市美材迄景德  
三年始告成凡五間十一架春有學徒慧果  
携錫至京請余識之將刊于石乃書曰自佛  
法廣被達磨西來具信根者求證本源星居

沙六

十三

曠野蔽身草木衣不禦寒食不充腹及正法  
漸漓人法替急百丈禪師乃營其棟宇以安  
老病邇來禪刹競構宏壯少年初學恣卧其  
間殊不知化緣者勞形苦骨施財者邀福懶  
罪明因果者如卧鐵牀若當冤敵自非朝夕

密密增長聖胎其次親善知識者志求解脫  
可以暫容其形龍神攸護其戒心汨蓋躰身  
利溫暖不察無明不知命縮惟記語言自謂  
究竟韶盡遷謝墮彼惡趣丈夫猛利得不動  
心者哉榮公生鳳翔虢邑出家於雍州鄆縣

白雲山淨居禪院大中祥符二年四月八日記

應庵華禪師答詮長老法嗣書

老僧自幼出家正因也方袍圓頂正因也念  
生死未明撥草瞻風親近真善知識正因也  
至於出世領衆今三十餘年未嘗毫髮厚已

也方丈之務未嘗少怠也晝夜精勤未嘗敢懈也念衆之心未嘗斯須忘也護惜常住之念未嘗敢私也行解雖未及古人隨自力量行之亦不負愧也痛心佛祖慧命懸危甚於割身肉也念報佛祖深恩寢食不遑安處也

附六

十三

念方來衲子心地未明不啻倒懸也雖未能盡古人之萬一然此心不欺也長老隨侍吾三四載凜然卓卓可喜去年夏末命悅衆是吾知長老也吾謝鍾山寓宣城昭亭未機赴姑蘇光孝方丈日長老受鳳山之請道由姑

蘇首來相見道義不忘如此也別後杳不聞耗正思念間懷淨上人來承書并信物方知入院之初開堂爲吾燒香乃知不負之心昭廓也今既爲人天眼目與前來事體不同也果能如吾自幼出家爲僧行脚親近真善知

識以至出世住持其正因行歲如此行之則吾不妄付授也又何患宗門寂寥哉至祝無以表信拂子一枝法衣一頂幸收之紹興壬午七月初七日住平江府光孝應庵老僧曇華書昌復語錄

怡山然禪師發願文

皈命十方調御師演揚清淨微妙法三乘四  
果解脫僧願賜慈悲哀攝受但某甲自違真  
性枉入迷流隨生死以飄沈逐色聲而貪染  
十纏十使積成有漏之因六根六塵妄作無

邊之罪迷淪苦海深溺邪途着我耽人舉枉  
措直累生業障一切憊尤仰三寶以慈悲瀝  
一心而懺悔所願能仁拯拔善友提携出煩  
惱之深源到菩提之彼岸此世福基命位各  
願昌隆來生智種靈苗同布增秀生逢中國

跋六

十四

長遇明師正信出家童真入道六根通利三  
業絕和不染世緣常修梵行執持禁戒塵業  
侵嚴護威儀蜎飛無損不逢八難不缺四緣  
般若智以現前菩提心而不退脩習正法了  
悟大乘開六度之行門越三祇之劫海建法  
幢於處處破疑網於重重降伏衆魔紹隆三  
寶承事十方諸佛無有疲勞修學一切法門  
悉皆通達廣作福慧普利塵沙得六種之神  
通圓一生之佛果然後不捨法界偏入塵勞  
等觀音之慈心行普賢之願海他方此界逐

類隨形應現色身演揚妙法泥犁苦趣餓鬼

道中或放大光明或見諸神變其有見我相乃至聞我名皆發菩提心永出輪迴苦火鑊冰河之地變作香林飲銅食鐵之徒化生淨土披毛戴角負債嚙冤盡罪辛酸咸霑利樂

疾疫世而見爲藥草救療沉疴饑饉時而化作稻粱濟諸貧餒但有利益無不興崇次期累世冤親現存眷屬出四生之汨沒捨萬劫之愛纏等與含生齊成佛道虛空有盡我願無窮情與無情同圓種智

開善客庵謙禪師答陳知永書

某啓欣審官舍多暇焚香靜默坐進此道何樂如之參禪如應舉應舉之志在乎登第若不登第而欲功名富貴光華一世者不可得也參禪之志在乎悟道若不悟道而欲福德

步六

十五

智慧超越三界者不可得也竊嘗思悟道之爲易登第之爲難何故學術在我與奪在彼以我之所見合彼之所見不亦難乎是以登第之難也參究在我證入在我以我之無見合彼之無見不亦易乎是以悟道之爲易也

然參禪者衆悟道者寡何也有我故也有我則不能證入亦易中之難也讀書者衆及第者亦衆何也見念故也見合則推而應選是難中之易也故見合爲易無我爲難無我爲易無無爲難無無爲易亦無無無爲難是名

無無爲易亦無無無亦無爲難亦無無無亦無爲易和座子撞翻爲難故龐居士云煉盡三山鎌鎔銷五嶽銅豈欺人哉因筆及此庶火爐邊圍圍頭說無生話時聊發一笑

司馬溫公解禪偈

文中子以佛爲西方聖人信如文中子之言則佛之心可知矣今之言禪者好爲隱語以相述大言以相勝使學者悵悵然益入於迷妄故予廣文中子之言而解之作解禪偈六首若其果然則雖中國行矣何必西方若其不然則非予之所知也

忿怒如列火利欲如鉛鋒終朝長戚戚是名阿鼻獄

顏回安陋巷孟軻養浩然富貴如浮雲是名極樂國

孝弟通神明忠信行蠻貊積善來百祥是名  
作因果

言爲百代師行爲天下法义義不可掩是名  
不壞身

仁人之安宅義人之正路行之誠耳久是名

附六

七

光明歲

道德脩一身功德被萬物爲賢爲大聖是名

佛菩薩

仰山飯戶部尚書阮中大撰

阮戶部外集

仰山飯仰山飯粒粒如珠似銀爛食者須知

來處難畧爲諸人試拈看東泉西澗春早時  
畔夫餉婦寒且飢土膏脉起農事動牛領生  
瘡猶挽翠夏苗欲秀未成實無雨四天惟烈  
日肯枯面裂汗流宵耘耨只愁稂莠出秋深  
稻熟如黃雲晝獲夜舂甘苦辛里胥催督王  
祖急官債私逋皆及身官債未償被鞭朴私  
債未償賣田屋父母妻兒飽幾曾家家留米  
羞齋粥住持老僧讼門求丐士緣化圭撮收  
手胼足胝不敢憚櫛風沐雨何曾休五更雲  
堂門尚閉普供厨中人早起惟憂清衆粥飯

遲日日朝朝悉如是米瀦滿地凝如脂去粗

存精運糲炊沸湯烟焰饒金熱執務捨力良

勞疲長板聲終木魚吼端坐禪床捧盂受細

論變生造熟功却恐閑黎難下口不從香積  
世界來又非鬼神供爾齋一匙一杓至一鉢

陁六

十七

皆是求福檀信財維那白槌似璫響十聲佛  
名嬾同唱行益纔遲忿怒生第二戒中念都  
忘古人都爲學道忙徧參知識遊諸方水皮  
草葉供鑄煮豈有此飯充飢腸百歲光陰如  
夢幻參請工夫宜早辦若還心地不分明佛

也難消仰山飯

白侍郎六讚偈并序出長慶集

樂天常有願願以今生世俗文筆之因緣爲  
來世讚佛乘轉法輪之緣也今年登七十老  
矣病矣與來世相去甚邇故作六偈跪唱於

佛法僧前欲以起因發緣爲來世張本也

讚佛

十方世界天上天下我今盡知無如佛者當  
堂巍巍爲天人師故我禮足讚嘆依

讚法

遇見當來千萬億佛皆因法成法從經出是  
大法輪是大寶藏故我合掌至心迴向

讚僧

緣覺聲聞諸大沙門漏盡果滿衆中之尊假  
和合力求無上道故我稽首和南僧寶

讚衆生

毛道凡夫火宅衆生胎卵濕化一切有情善  
根苟種佛果終成我不輕汝汝無自輕  
懺悔

煩惱願去涅槃願住十地願登四生願度佛  
出世時願我得親寂先勸請請轉法輪佛滅  
度時願我得值寂後供養受菩提記  
陝六十八

天台圓法師自誠

三界悠悠一圉圉羈鎖生靈受酸楚本來面  
目久沈埋野馬無鞭恣飄鼓欲火燒殘功德  
林逝波傾入無明塢紛紛萬類器中蚊啾啾  
鳴亂沈還舉亦曾天帝殿中遊也向閻公鍋

求其相中間內外了不可得是名懺悔

發願

裏煮循環又撞入胞胎交構腥臊成沫聚一  
包腰血暫扶持數莖白骨權撐拄七情馳騎  
不知歸六賊爭鋒誰作主春風不改昔時波  
依舊貪嗔若狼虎改頭換面弄機關忍氣吞  
聲受辛苦貴賤賢愚我與人是非榮辱今猶

古金烏玉兔自摩空雪鬟朱顏盡成土我嗟  
瞥地一何晚隨波逐浪空流轉追思古聖與  
先賢掩袂令人獨羞赧而今捉住主人翁生  
死魔來我誰管昔時伎倆莫施呈今日生涯  
須自勉是非窟裡莫回頭聲利門前高着眼

但於自己覓愆尤肯與時流較長短一點靈  
光直照西萬端塵事任舒卷不於蝸角竊虛  
名獨向金臺預高選從他病死與生老只此  
一回相括惱脩行惟有下稍難堅起脊梁休  
放倒莫教錯認定盤星自家牢守衣中寶願

陝六

十九

同法界冤與親共駕白牛遊直道

緇門警訓卷第六

永樂北藏

繙門警訓

第一九四冊